

中国公共图书馆古籍文献珍本汇刊·史部

三朝辽事实录

中国公共图书馆古籍文献珍本汇刊·史部

明·王在晋辑撰

三朝辽事实录（下）

全国图书馆文献缩微复制中心

责任编辑 姜亚沙

中国公共图书馆古籍文献珍本汇刊·史部

三朝辽事实录（全三册）

汇刊编者 全国公共图书馆古籍文献编委会

原书撰者 明·王在晋

原书藏者 湖北省图书馆

出版者 全国图书馆文献缩微复制中心

（北京文津街七号）

印刷者 临京古籍印装厂

发行者 新华书店北京发行所

印刷日期 二〇〇二年四月

印数 一一二〇

定价 九八〇元

未经授权 不得翻印

三朝辽事实录目录(下)

卷十二		一一五三
卷十三		一二四一
卷十四		一三二五
卷十五		一三九五
卷十六		一四七五
卷十七		一五五五
跋		一六三三
东夷考略		一六三九

三朝遼事實錄卷之十二

黎陽王在晉明初父編

男會苾穉葛父較閱

癸亥天啟三年正月大學士孫承宗題天下招兵者臺省先之勛武次之今盡踈踈謝不敢蓋無不相戒于杜應魁賈祥與何棟如游士任之喜事而更戒于蜀中之禍臣在兵部時交薦應魁者以為大將心頗疑之不虞其材難統馭輦下沸騰於是盡欲逐其兵將于關今其兵逃故二千三百有奇馬逃故三百有奇一旦削其官追逃兵逃馬之數恐應魁一拏而兵馬之見在者將盡逃亡臣議姑削其副總兵職銜准

以守備管事以聯絡其見在兵馬仍陸續追賠其逃
故兵馬錢糧外如何棟如招兵費繁兵雜多口謬論
信手狂費于先不免飾辭謬遮于後似當明覈其實
而從末減無以偽才阻天下真豪傑任事之心外如
游士任俠氣深心雅抱鳴轂之恥獨其所信諸妄男
子任誕遂至蕩費公金又以親老晝游幾至盡散八
千然費雖多而兵殊可用似當清查其錢糧責其所
令之人無令盡沒其善蓋臣歷閱諸招兵者獨鄒復
宣郭允厚傳宗龍稱者省便而適于用若蜀中明時舉
李達初則蜀人盡怨之今則蜀人盡憐之似不必過

執法以佐數乃若論死參將賈祥兵五千人盡以為
可用既不若諸人以五方雜還之衆入伍其錢糧分
明又未盡如諸臣虛冒不可解臣謂祥可寬也外若
遼東監軍方震孺當疆宇方顛正師友交關業已圖
存寧責殿後至其招疑弃于負固載棄困于流澌竊
謂張御史之死既陷同城義必不可求脫方御史之
生總未聞賊勢尚可以姑全要不得與張可同議者
再照臣抵關雖未敢議誅逃將而心頗嚴之如原任
總兵李秉誠數月來練火藥幾二萬人其勤敏有精
思是當錄叙其新績不必從前追詢其舊過庶令臣

所謂操縱諸將者將人人可鼓也臣又念錦衣衛指揮陳居恭嚮議移臣居外為臺省論劾革任居恭係臣同鄉晚輩或過信臣為力可當關而語無倫次未必信人指授况今臣既抵關似宜復其原任無令人謂臣一入綸扉侵及邑子又天慈所以庇臣也

何棟如游士任方震孺明時舉李達樞輔所論之人也今且為之寬解熊廷弼樞輔所糾以收之獄者也別疏屢為之掄揚關上之逃臣樞輔所欲盡殺者也今每每為之引拔何自言之自悖之後先成兩截也卿蓋前在中樞決于獨見以一疏收名今

在榆關親暱畢從以多門漁利故議論相懸如此
然此篇大意欲揀陳居恭故借諸臣為起講市恩
私以聯黨局居恭為樞輔鄉人其知樞輔之心久
矣欲俟經畧事壞而後身任邊疆入秉中樞出膺
關塞文掌端揆武當帷幄儼然為本朝人物第
一其樞輔無窮之心事乎舉朝推用經臣天
子臨軒授劔專命鄭重無端而遽易之徒為引用
私人之地且以遂其出將入相之謀自古權臣當
國不顧天下萬世之公議此為本朝二百五十
年未有之事亦前代迄今所僅見者也

遼撫閻鳴泰報據駐劄前屯衛副總兵趙率教塘報
奴酋差八箇王子帶領步夷八萬于十月內每王子
分米一百三屯俱搬運牛庄海州下卸又有八箇王
子帶領有馬真夷并漢人約有二萬餘騎駐扎右屯
衛步夷挽拉戰車五千餘輛每車上裝帶鑿眼木二
根擺列城外又說河東十家編軍一名朋出馬一匹
隨營發有馬夷人在杏山一帶往來游走等情到院
又河東堡看國老民董仲仁報八箇王子帶領馬步
夷人將右衛屯堆積米囤一千八百囤各處撥運至
三岔河岸又着河東人接搬至遼陽城復差真夷馱

運口分又從廣寧推來戰車三四百輛擺守右屯城
門城內一個道理同四個遊擊帶領三千韃子在內
駐扎仍差夷人哨探比至杏山撞遇西虜馱糧被西
虜將哨探東夷殺死六名往東跑走各路台聞風放
砲舉火接至廣寧城東夷接放大將軍六位以當西
邊人馬後查西虜截殺東夷其積囤米糧一半馱運
一半拋散聽聞運糧畢日將人民盡行東趕等因到
院看得奴酋一面且向山海且狼顧東江思甘心于
毛文龍久矣向聞我關上軍聲大振又懼我之乘其
後也今既移積粟于河東復推戰車于右屯分兵駐

防擺糧哨探意欲何為將來永合之時永圖以絕後患乎我兩月以來盔甲器械之需由海東發此極多在毛文龍已自不乏戰備關上人心已固即來已有以待之而西虜部落漸集在杏山一帶奴或不敢驟越而之西也除申飭將士嚴加隄備外理合塘報兵部題遼陽以百度廢弛之日當一朝竊發之奴撫順彈丸倉卒告變當時道臣顧頤以戰則無兵募則無餉躊躇四顧計畫無復之竟爾縊死至今傳其題壁十六字曰邊疆失守臣子何顏無力報國甘心九泉此雖不得已而殉封疆視彼聞敵渡河抱頭奔

竄竟棄職守者大有間矣合將顧頤贈太僕寺少卿
廕一子本衛正千戶世襲賜祭其父母仍與應得
賜典以報教忠

兵部題覆視師張鶴鳴經畧王在晉咨疏除陣亡麻
承宗等另疏優恤外內叛將劉世勲祝世昌羅萬言
胡遵義趙時雍王朝亮閔邦熊錦劉式章李維龍王
有功李國臣王化傳岳宗大高承宗李世勲黃進鎖
萬金何世延孫得功劉世功金勵高中選黑際盛楊
可大高鴻中劉元慶蘇應科索萬全應行原籍地方
拘其家屬依律處治仍俟勦平之日為藁街之懸其

逃將郭金選登馮大梁李繼業蔡汝賢黃士英吳登雲

王謙亨張效祖李思漢王紹威允成梁邦弼行原籍
地方撫按嚴拿到京正法至不知下落張應龍越效
忠嚴進忠保國忠李愈茂孫光禧劉麒王國勛鮑承
先莊安世張萬化郭世藩王化準蔣紹芳張夢麟楊
國柱沙宗海杜國楨吳登高桑秉平高鳴鶴董弘基
劉芳聲陳一元劉元清李正泰胥國相安邦李元勛
劉守清沈松夏國卿或為河邊無定之魂或為故里
逍遙之駕仍應行山海及各原籍查勘存亡分別處
治至見在與在闕揚肇基王光有倪寵王紹勲李性

忠王牧民張大道平四知祖天壽楊應乾王之棟周
守廉魯之由孟淑孔徐漣張思任朱梅蘇其民許定
國成斌才景國佐田應兆王表葉時新劉雷朱大用
左輔王永禎談堯德王勣李成龍吳有浩周應乾陳
應魁即陳彥魁盛忠趙忠浩朱釗高如嵩竇成功孫
懷忠夏京雷起潛及告病王威侯世祿戴燁劉光祚
楊元吉陳琚姜弼麻承先馮應魁焦恒李登龍周義
杜學伸王佐才孫慶揚汝福桑仲金李春秀鄧祖禹
崔承恩胡廷栢劉應登陶進諸將曾與廣寧之役者
或可收孟明之功或難追穰苴之法均應聽督理閣

臣簡汰稽核總之法期必行行期必確久玩之人心或者其知警乎

二月山海關築壇拜馬世龍為大將厚贈金繒兵馬錢糧事悉以屬之大學士孫承宗奏臣抵關以來

築壇拜將

惟有操縱將吏以提掇其心志而厚儲其氣頃者仰

蒙皇上以馬世龍為主將以王世欽尤世祿左提

右挈馬世龍管中部當以建昌路隸之王世欽管南

當以燕河路隸之尤世祿管北部當以石門路隸之

三路三轄仍以虎符為重故南北兩部皆在世龍節制之中而三路兼統于中部且世龍既佩平遼將軍

印 特賜尚方劔為 皇上神武遠謨謂大將軍專
制閫外非專生殺無以制三軍臣何敢輕為世龍請
然竊意 皇上或不為世龍靳世龍事權既重似當
重其章服去其署秩實授府銜官不加增可資彈壓
可以榮及其親蓋御將之道不予以輕則權重不奪
其重則權專伏望 皇上俯察臣言勅下兵部擬以
實授府銜予以應得 制勅或 特恩賜尚方劔以
資彈壓尤世祿王世欽各予以 制勅關防分轄兩
路而節制于中部 勅各該督撫司道與各該將領
共事者當精簡其庸懦不得鄙夷其人而輕制之當